

Frå 1. januar 2017 blir Høgskolen i Sogn og Fjordane (HiSF), Høgskolen i Bergen (HiB) og Høgskolen Stord/Haugesund (HSH) fusjonert til ein ny høgskule på Vestlandet.

Den nye høgskulen skal vere del av ein sterk UH-sektor på Vestlandet gjennom oppbygging av sterke fagmiljø i ein viktig og synleg utdannings- og forskingsinstitusjon med universitetsambisjonar. Med god forankring i dei tre nærregionane Sunnhordland/Haugalandet, Bergensområdet og Sogn og Fjordane, vil høgskulen ha ein profesjons- og arbeidslivsprofil som gjer seg gjeldande i både nasjonal og internasjonal samanheng.

Kompetansefellesskapet som fagmiljøa i den nye høgskulen utgjer, vil betre kunne svare på regionale, nasjonale og internasjonale behov for omstilling og endring. Høgskulen skal vere ein konkurransedyktig og attraktiv institusjon for studentar og fagpersonar, og vil gjennom ei digital satsing sikre effektiv informasjonsdeling og utvikle framtidssrette utdannings- og læringsfellesskap ved hjelp av ny teknologi.

Den fusjonerte høgskulen vil vere ein av landets største, med om lag 16 000 studentar og 1600 tilsette fordelt på fem studiestader - Førde, Sogndal, Bergen, Stord og Haugesund. Hausten 2016 har eit interimsstyre med ekstern styreleiar ansvar for avgjerder som gjeld fusjonen. Frå 1.1.17 går interimsstyret over til å vere styret for den nye høgskulen, som blir samla under felles institusjonsleiing, med tilsett rektor.

Rektor ved Høgskulen på Vestlandet

Høgskulen på Vestlandet søker ein rektor med sterk motivasjon for å bygge opp ein ny institusjon og utvikle den nye høgskulen som ein viktig regional, nasjonal og internasjonal kunnskapsaktør. Rektor har ansvar for den samla faglege og administrative verksemda ved høgskulen, innanfor dei rammer og pålegg som styret fastset. Rektor er ansvarleg overfor, og rapporterer til, høgskulestyret. Dette inneber også funksjon som styrets sekretær, med ansvar for å førebu styresaker og sette i verk styrets vedtak. Rektor vil ha ei sentral rolle i å vidareutvikle organisasjonskultur, fag- og arbeidsmiljø i ein institusjon med høg kompetanse.

Vår nye rektor må kunne vise til:

- god forståing for høgskulens samfunnsoppdrag
- solid leiarefaring frå kunnskapsorganisasjon, med dokumenterte resultat frå strategi- og endringsarbeid
- høg vitenskapleg kompetanse
- erfaring frå og solid kunnskap om UH-sektoren
- solid administrativ kompetanse
- god økonomiforståing
- god munnleg og skriftleg framstillingsevne i norsk og engelsk

I vurderinga vil vi legge vekt på følgjande personlege eigenskapar:

- leiareigenskapar
- utviklingsfokus og strategisk heilskapleg perspektiv
- gjennomføringsevne og resultatorientering
- evne til prioritering og å ta avgjerder
- evner til kommunikasjon, samhandling og til å bygge relasjonar internt og eksternt

Vi tilbyr ei spennande og krevjande leiarstilling i ein organisasjon under etablering, med utfordrande og varierte oppgåver. Stillinga gir høve til å vere med å prege utviklinga i ein sektor som er i sterk endring. Rektor blir tilsett på åremål for 4 år frå 1.1.17. Lønn etter avtale innanfor Statens lønnsregulativ. Frå lønna blir det trekt 2 % lovbestemt innskot i Statens pensjonskasse.

Stillinga har hovudarbeidsstad i Bergen. Tilsetning skjer etter reglane i Universitets- og høgskulelova og Tenestemannslova. Vedtak om tilsetning blir gjort av interimsstyret for den nye høgskulen. Utlysing av stillinga skjer med atterhald om endeleg godkjenning i interimsstyret.

Generell informasjon

Den statlege arbeidsstyrken skal i størst mogleg grad spegle mangfaldet i folket. Det er derfor eit personalpolitisk mål å oppnå ei balansert alders- og kjønnsamansetting og rekruttere personar med innvandrarbakgrunn.

Kvinner vert særleg oppmoda om å søke stillinga.

Opplysingar om søkar kan bli gjort offentleg sjølv om søkar ber om ikkje å bli ført opp på søkarlista. Dersom førespurnaden ikkje blir tatt til følgje, vil søkar bli varsla om dette.

Kontaktpersonar for stillinga:

Direktør ved Høgskolen Stord/Haugesund Tage Båtsvik, tlf: 454 26 924

Bedriftskompetanse, ved seniorrådgjevar Linn Beate Sollund-Walberg, tlf: 990 06 318, epost: lsw@bedriftskompetanse.no

